


## Vischnaunca da Breil



# Lescha davart il diever dallas localitads communalas

2019

		<b>En general</b>
Art.	1	Principi
	2	Occupaziun
		<b>Organisaziun</b>
	3	Responsabladad
	4	Dispeta
	5	Damonda
	6	Plan d'occupaziun
	7	Occurrenzas privatas
		<b>Diever regular</b>
	8	Uras da diever
	9	Survigilonza
	10	Calzers
	11	Diever d'urdeins
	12	Urdeins da gimnastica
		<b>Occurrenzas</b>
	13	Surdada e sorprendida dallas localitads per producziuns
	14	Mobilier e tribuna
	15	Ustria
	16	Schubergiar
		<b>Stipulaziuns generalas</b>
	17	Survetsch d'uorden
	18	Munconzas
	19	Fimar
		<b>Contribuziuns e determinaziuns finalas</b>
	20	Principi
	21	Occurrenzas suttamessas a taxas
	22	Uniuns d'ordeifer
	23	Excepziuns
	24	Responsabladad
	25	Responsabladad per donns
	26	Disposiziun penala
	27	Vigur

## En general

### Art. 1

**Principi** Sebasond sin questa lescha metta la vischnaunca da Breil a disposiziun las localitads da vischnaunca per exerchezis, divertiments, concerts e representaziuns. Las uniuns, ils arranschaders ed organisateurs sesents en vischnaunca, han la preferenza. Medemamein han era las uniuns dil vischinadi en lur vischinadi la preferenza. Damondas per il diever dallas localitads ni parts da quellas ein d'inoltrar all'administraziun communalas.

### Art. 2

**Occupaziun** Occupaziuns d'interess superiur (p.ex. radunonzas communalas, occurenzas, exposiziuns, concerts etc.) han la prioritad. Las uniuns ni personas nudadas el plan d'occupaziun vegnan orientadas ad uras.

## Organisaziun

### Art. 3

**Responsabladad** Responsabla per las hallas e localitads ein en mintga vischinadi la cumissiun ensemen cul responsabel dil vischinadi pigl inventari. Tenor basegns sa il pedel vegnir tratgs tier cun vusch consultativa.

### Art. 4

**Dispeta** En cass da dispeta decida la suprastonza definitiv.

### Art. 5

**Damonda** Tuta las damondas per duvrar ina localitad ni l'otra sco era parts da quellas ein d'inoltrar all'administraziun communalas sach bual sco pusseivel cun il cedel da reservaziun official. Era per occupaziuns jamnilas regularas eis ei d'inoltrar ina damonda cun indiar il di dalla jamna ed il temps effectiv dall'occupaziun.

**Art. 6**

Plan d'occupaziun L'administraziun communalas noda en in plan d'occupaziun tut ils termins e las uras. La lubientscha per uras da diever regularas vegn dada mintgamai per in onn. Quellas lubientschas san vegnir colligiadas cun cundiziuns specialas. Ei exista negin dretg da renovaziun da talas lubientschas. Las uniuns dil vitg han la preferenza.

**Art. 7**

Occurrenzas privatas Occurrenzas privatas ellas localitads publicas survegnan mo ina lubientscha, sche l'ustria vegn organisada per regla entras ina ustria/d'in hotel dalla vischnaunca. Excepziunalmein sa la suprastanza lubir ch'ina uniun dalla vischnaunca organisescha l'ustria.

**II. a) Diever regular****Art. 8**

Uras da diever Las hallas ed aulas dalla vischnaunca da Breil stattan a disposiziun a gruppas ed uniuns per il diever regular entochen las 22.00. Las localitads duvradas ein da rumir e bandunar sil pli tard in quart d'ura suenter igl exercezi.

**Art. 9**

Survigilanza Igl arver e serrar las localitads duvradas ei responsabels exclusivamein il parsura dall'uniun ni dalla gruppa. Il pedel ha da controllar periodicamein las localitads suenter il diever e d'annunziar eventualas constataziuns all'administraziun communalas.

**Art. 10**

Calzers Per ils exercezis da gimnastica e sport ein lubi sulettamein calzers da gimnastica che donnegian e tschufrognan buca il plantschiu. Igl ei buca lubiu d'entrar en halla cun calzers che vegnan era purtai giuado.

**Art. 11**

Diever d'urdeins Urdeins movibels sco mattas, lattas da siglir, barras, bucs, cavals etc. astgan buca vegnir runai entuorn. Per transportar quels urdeins ei da duvrar ils indrezs e mieds adattai che stattan a disposiziun.

**Art. 12**

Urdeins da gimnastica Ils urdeins da gimnastica astgan buca vegnir duvrai el liber e sin plazz da giug. Davart excepziuns decida la suprastanza.

**II. b) Arranschaments****Art. 13**

Surdada e surpren- dida dallas locali- tads per produczions Il pedel surdat agl organisatur las localitads che vegnan duvradas per produczions, exposiziuns e presentaziuns. Sias directives ein d'observar. Alla fin dall'occurrenza inspectescha il pedel las localitads duvradas ed annunzia eventuels donns all'administraziun communalas per mauns dalla suprastanza.

**Art. 14**

Mobilier e tribuna Igl organisatur ei sez responsabels per il plazzament dil mobilier tenor agen diever e tenor cunvegnientscha cul responsabel dil vischinadi ni pedel. Tut mobilier ei da dustar immediat suenter las produczions e quei tenor las directives dil responsabel dil vischinadi ni dil pedel. El vischinadi da Vuorz ei la tribuna da montar e demontar ensemen cun il pedel. Per igl inventari utilisau eis ei da pagar ina taxa al vischinadi. L'illuminaziun dalla tribuna astga vegnir reglada sulettamein d'ina persuna cun experientscha corrispudenta.

**Art. 15**

Ustria Per il menaschi d'ustria procura igl organisatur sin agen quen. Per occurenzas cun ustria eis ei necessari da cuvierer il plantschiu dallas hallas cun ils linoleums che stattan a disposiziun. Per regla dueigien las cuschinas da scola buca vegni duvradas a caschun d'occurenzas. Per far diever dalla cuschina e digl office drova ei ina clav separata. La persuna che survegn la clav ha da surprender e da surdar puspei quellas localitads.

Per il menaschi d'ustria cun vendita d'alcohol sto igl organisatur en tutta cass haver ina persuna che surpren la responsabladad per il menaschi e procura per las lubientschas necessarias.

#### **Art. 16**

**Schubergiar** Las localitads duvradas ein da schubergiar e returnar en in stan schuber ed intact. Quei vala era per las tualettas, il contuorn, l'entrada ed il plaz davon la halla.  
Cass cuntrari vegnan ils cuosts per schubergiar adossai agl utilisader.

### **II. c) Stipulaziuns generalas**

#### **Art. 17**

**Survetsch d'uorden** Ils organisaturs d'occurrências ed utilisaders dallas localitads ein responsabels per in survetsch d'uorden cunvegner. Suentar igl exercezi e suenter las occurrências ein tuts ils indrez, las mobillas, ils urdeins etc. da deponer els loghens destinai.  
Igl ei d'agier cun precauziun e da spargnar ton sco pusseivel energia. Ils eschs ein da serrar e tut las cazzolas buca necessarias ein da stizzar.

#### **Art. 18**

**Munconzas** Ils cuosts per defects e munconzas vegnan mess a quen agl organisatur ed utilisader.

#### **Art. 19**

**Fimar** Igl ei scumandau da fimar en tut las localitads communalas.

### **III. Contribuziuns e determinaziuns finalas**

#### **Art. 20**

**Principi** Las uniuns, societads e gruppas dil vitg e dil vischinadi ston da principi pagar neginas contribuziuns per duvrar las localitads. Excepi da quella deliberaziun da contribuziuns ein occurrências tenor ils art. 21 e 22.

**Art. 21**

Occurrenzas  
suttamess a taxas

Occurrenzas che genereschan entradas ein suttamess a taxas.

**1. Per occurrenzas e per di ei da prestar suandontas  
taxas pauschalas:**

a) halla / cuschina / office	frs. 100.–
b) halla / cuschina (Dardin)	frs. 50.–
c) aula / cuschina	frs. 50.–
d) cuschina / foyer (Vuorz)	frs. 50.–
e) aula / halla / cuschinas	frs. 150.–
f) halla	frs. 50.–
g) aula	frs. 30.–
h) duschas	frs. 20.–
i) lottos (ulteriuramein)	frs. 100.–

**Art. 22**

Uniuns d'ordeifer

Uniuns ni societads d'ordeifer pagan sin tuttas taxas tenor art. 21 in supplement da minimum 100%.

**Art. 23**

Excepziuns

En cass specials, principalmein per occurrenzas d'uniuns e gruppas d'utilitad publica, sa la suprastonza communalas relaschar las taxas per part ni era cumpleinamein. En quels cass ei d'inoltrar la damonda respectiva alla suprastonza communalas. Medemamein sa la suprastonza stipular cundiziuns e pagaments supplementars per occurrenzas extraordinarias che absorbeschan bia energia e per occurrenzas da gener privat.

**Art. 24**

Responsablidad

La vischnaunca da Breil refusescha scadina responsablidad visavi tiarzas persunas. Las uniuns respectivamein ils organisaturs ein responsabels per tut ils donns caschunai entras tiarzas persunas. La suprastonza sa pretender digl organisatur en connex cun la lubientscha in'assicuranza da responsablidad.

**Art. 25**

Responsablidad  
per donns

Ils organisaturs ein responsabels per tuts donns caschunai vid ils baghetgs, ils indrezs, las mobalias, ils urdeins ed ils instruments. Il responsabel dil vischinadi sto protocollar tals donns a caschun dalla surdada dallas localitads.

**Art. 26**

Disposiziun penala Ad organisaturs che observeschan buc igl uorden e las ordinaziuns da suprastanza, dil pedel e dil responsabel dil vischinadi san, ulteriuras lubientschas da diever vegnir renviadas.

**Art. 27**

Vigur Questa lescha ei vegnida approvada dil cussgl da vischnaunca a caschun dalla sedutta dils 4 da settember 2018 e passa en vigur igl 1. da schaner 2019

***En num dalla suprastanza communal******En num dil cussegl da vischnaunca***

Il president: *Clau Schlosser*

Il president: *Maurus Tomaschett*

Igl actuar: *Curdin Cadonau*

Igl actuar: *Curdin Cadonau*